

# Tshatha ya Litheresi ya Vhana



Litheresi ndi mutheo wa pfunzo na munango wa u ya vhutshiloni ha mualuwa o bvelelaho kha jifhasi la musalauno. Tshatha iyi i ramba vhaaluwa u mona na lothe la Afrika Tshipembe u itela u khwaṭhisedza uri nyimele dzine dza tikedza u guda litheresi hu bveledzaho nga vhana, dzi a netshedzwa kha vhana vhashu vhothe uri vha vhe na nyendo dza u guda litheresi dzi vhuudzaho kha vhuṅe na kha zwa pfunzo nga nḽila i bveledzaho.

**1 U vhalela u ḽiphina:** Vhana vhothe vha tea u tshenzhela u wanulusa u vhala na u ṅwala vha tshi itela u ḽiphina na u fushea nga nyambo dza hayani u bva vhuṭukuni havho u ya phanḽa.



**2 Zwiṭori:** Vhana vhothe vha tea u vha na zwikhala misi yothe zwa u thetshesela, u vhala na u amba nga zwiṭori zwi bvaho Afrika Tshipembe, Afrika na u mona na jifhasi.

**3 U wanulusa jifhasi:** Vhana vhothe vha tea u vha na zwikhala zwa ḽuvha jiiwe na jiiwe zwa u shumisa u vhala na u ṅwala uri zwi vha thuse kha u wanulusa vhutshilo u bva kha sia la khumbulelo na la vhukuma. Zwikhala izwi zwi vha konisa u guda nga ha vhone vhane na vhaṅwe ngeno vha tshi khou wanulusa fhethu havho hu shandukaho kha jifhasi na uri vha nga shela hani mulenzhe.

**4 U ṭuṭuwedza:** Vhana vha vhukale hothe vha ṭoḽa vhatshu vha no ḽo vha vhalela nga nḽila dzi vha ṭuṭuwedzaho uri vha ṭoḽe u vhala nga vhone vhane. Miraḽo ya muṭa hayani, vhagudisi kijasini dzavho na dziḽiburari vha tea u vhalela nṭha kha vhana misi yothe.

**5 Vhathu vhane vha vha tsumbo dzavhuḽi:** Vhaaluwa vha tea u vha tsumbo dzavhuḽi dza u vhala na u ṅwala vha tshi itela vhana. Vhana vha tea u vhona vhaaluwa hayani na zwikoloni, na kha zwitshavha zwavho vha tshi khou shumisa u ṅwala na u vhala u ita uri zwithu zwi itee, u guda na vhuḽimvumvusi.


**6 U guda u vhala na u ṅwala:** Vhana vhothe vha re zwikoloni vha na pfanelo ya u funzwa u vhala na u ṅwala nga vhagudisi vha re na zwikili na u kona u ṭuṭuwedza, vha daviḽanaho navho nga nyambo dzine vha dzi pfesesa, vha vha dzumbululelaho zwiṭori zwi mangadzaho na maṅwalwa a takadzaho sa tshipiḽa tsha u funza havho.

**7 Tshifhinga na fhethu:** Vhana vha tea u ḽewa tshifhinga tsho linganaho misi yothe tsha u awela na u vhala. Vha tea hafhu u wana fhethu hu si na phosho hune vha nga ita izwi.

**8 U swikela matheriaḽa:** Vhana vha tea u wana matheriaḽa a u vhala na u ṅwala kha vhupo ha tsinisa navho nga nḽila yo leluwaho. Vha tea u swikela bugu dza zwiṭori na dziṅwe-vho nnzhi, dzi nga vha dzavho, kana dzo tou hadzimiwaho tshikoloni na ḽiburari dza tshitshavha dza tsinisa na hune vha dzula hone. Vha tea hafhu u vha kha vhupo ha zwo ṅwaliwaho nga nyambo dzine vha dzi ḽivha na u dzi pfesesa.

**9 Bugu dza u ṭuṭuwedza:** Vhana vha na pfanelo dza bugu dza vhukwae havhuḽi dzo ṅwaliwaho na u vha na zwifanyiso zwavhuḽisa, zwiṭori zwi takadzaho na mafhungo a kungaho vhudzheneli. Bugu dza vhukwae havhuḽi dzi anzela "u shandukisela" vhana kha nḽowelo ya u vhala lwa vhutshilo hothe.

**10 U nanga:** Tshiṅwe tshifhinga vhana vha tea u fhiwa tshikhala tsha u nanga zwine vha ṭoḽa u vhala ngeno nga zwiṅwe zwifhinga vha tshi tea u ḽewa ngeletshedzo nga vhaaluwa. U nanga nga iwe muṅe zwi thusa vhana u aluwa sa vhavhali ngauri zwi vha tendela u bveledza khiraitheria ya tshaka dza bugu dzine dza vha takadza.



**11 ṭhuṭuwedzo:** Ndingedzo dzothe dza vhana dza u vhala na u ṅwala dzi tea u pembelelwa na u ṭuṭuwedzwa nga vhaaluwa vhane vha tshila navho uri vha ise phanḽa na u shumisa luambo lwa u ṅwalwa na lwa oraḽa. Kha lwendo lwavho lwa u vha jithereiti, tshiṅwe tshifhinga vhana vha a khakha ngeno nga tshiṅwe tshifhinga vha tshi ita zwone. Hezwi, khathihi na ṭhuṭuwedzo, ndi zwine rothe ra gudisa zwone.

